

20-09-2025

आकाशवाणी

<><><><><><>

- प्रधानमंत्री नरेन्द्र मोदी होर गुजरात च “समुद्र से समृद्धि” आयोजन च 34 हजार 2 सौ करोड़ दी परियोजनाएं गी शुरु करा रहे न।
- विदेश मंत्रालय नै आखेया ऐ जे भारत मेद करदा ऐ जे सउदी अरब आसेया पाकिस्तान कन्नै समझौते मगरा स्हाड़े हितें ते भावनाएं दा ध्यान रखेया जाग।
- भारत नै अपने नागरिकें गी सख्त शब्दें च सलाह दिती ऐ जे ईरान च नौकरी पेशकशें थमां सतर्क रौहन।
- अमरीका दे राष्ट्रपति होरें विदेशी Tech वर्करें पर रोक लाने लेई H-1B वीजा आवेदकें पर इक लक्ख डॉलर दी सलाना फीस लागू कीती ऐ।
- एशिया कप च भारत नै ओमान गी 21 रनज कन्नै हराया, अर्शदीप सिंह नै इक सौ टी-20 विकेट पूरे कीते, ग्रुप-ए च भारत दी टीम पैहले नम्बरै पर ऐ।

<><><><><><>

PM- Gujarat

प्रधानमंत्री नरेन्द्र मोदी होर अज्ज इक दिन दे गुजरात दे दौरै पर जार रहे न, जित्थै ओ “समुद्र से समृद्धि” आयोजन च हिस्सा लैगंन ते भावनगर च 34 करोड़ 2 सौ करोड़ रुपें शा मती लागत आली कैई विकास परियोजनाएं दा नीह पत्थर रखगंन। इनें परियोजनाएं दा सरबंघ समुन्द्र यातायात, मूल ढांचा नवीकरणीय ऊर्जा, राजमार्ग, सेहत ते शैहरी ट्रांसपोर्ट कन्नै ऐ। मगरा प्रधानमंत्री होर ढोलेरा दा हवाई सर्वेक्षण करगंन।

दपैहरी मगरा प्रधानमंत्री होर लोथल च National Maritime Heritage Complex दा दौरा करगन ते इक जायजा मीटिंग दी अध्यक्षता करगन।

<><><><><><>

India- Terrorism

भारत नै अंतराष्ट्रीय समुदाय दा आहवान कीता ऐ जे आतंकवाद ते ओदे सब्भनै रुपै ते हथकंडे कन्नै निबड़ने लेई जतनै गी मजबूत ते तेज कीता जा। भारत नै आखेया ऐ जे आतंकवादिये ते पाकिस्तानी हकूमत ते सेना बशकार गठजोड़ बारे पूरी दुनिया गी पता ऐ। पाकिस्तान च आतंकवादी संगठनै दे नमैं Videos बारे पुच्छे जाने पर विदेश मंत्रालय दे प्रवक्ता रणधीर जायसवाल होरें मीडिया गी दस्सेया जे इन्हें घटनाएं कन्नै पाकिस्तान च आतंकवादिये दी मौजूदगी होर बी स्पष्ट हुंदी ऐ। उन्हें आखेया जे सब्भनै मुखे गी आतंकवाद खास करियै सीमा पर दा फैलाए जाने आले आतंकवाद खिलाफ कारवाई करनी लोड़चदी। उन्हें दस्सेया जे BRICS, SCO ते होरनै अंतराष्ट्रीय संस्थानें सनै सब्भनै अंतराष्ट्रीय मंचे, आतंकवाद खिलाफ लड़ने दी हिमायत कीती ऐ।

<><><><><><>

Add India- Terrorism

सऊदी अरब ते पाकिस्तान बशकार समझौते पर पुच्छे जाने पर प्रवक्ता नै दस्सेया जे भारत ते सऊदी अरब बशकार व्यापक सामरिक भ्याली ऐ, जेहड़ी पिच्छले कैई बरे च होर बी पक्की होई ऐ ते भारत मेद करदा ऐ जे साहड़े हितें ते भावनाएं दा ध्यान रक्खेया जाग।

<><><><><><>

GST Reforms

समूलचे जम्मू-कश्मीर च बसनीके अगली पीढ़ी सरबन्धी GST सुधारें तैहत GST दरें च कीती गेदी कटौती दा सोआगत कीता ऐ ते अइसी आम आदमी लेई इक्क बड़्डी राहत दसेया ऐ।

सरकार नै घरेलू इलेक्ट्रॉनिक समेयान पर लग्गने आहले GST पर कटौती कीती ऐ। एयर कंडीशनरें, डिशवाशरें, टेलीविजनें ते मॉनीटरें पर टैक्स दी दर गी 28 फीसदी सवां घटाइयै 18 फीसदी करी दिता ऐ। एदा मकसद मंग च बाददा करना, मुकामी उत्पादकें दी सहायता करना ते आयात च निर्भरता गी घट्ट करना ऐ। लोकें इन्हें सुधारें दा सोआगत कीता ऐ ते एदे कन्हें एह समेयान होर किफायती होग। इस फैसले कन्हें MSME गी लाह पुज्जने दी मेद ऐ। नमीं GST दरां संगारें सवां लागू होई जागंन।

<><><><><><>

Sewa Parv

मुख्य भरै च मनाएं जा करदे सेवा पर्व तैहत अज्ज अस तुसेंगी दस्सगे जे मोदी सरकार सब्भनै लेई किफायती बीमा कवरेज दा विस्तार करियै कियां जनसेवा ते खरें शासन गी लेइयै लगातार अपने धेइयै पर चला करदी ऐ। 2015 च शुरू कीती गेदी जन सुरक्षा योजना, प्रधानमंत्री जीवन ज्योति बीमा योजना ते प्रधानमंत्री सुरक्षा बीमा ज्नेइयां योजना घट्टोघट्ट प्रीमियम पर जीवन ते दुर्घटना बीमा प्रदान करदियां न। एदे इलावा प्रधानमंत्री जन आरोग्य योजना इक्क परोआर पर सालाना 5 लक्ख रपे दा सेहत बीमा उपलब्ध करांदी ऐ। इन्हें योजनाएं दा मकसद कमजोर नागरिकें गी जीवन च अनिश्चिता कोला बचाना ऐ.....

<><><><><><>

India- Iran

भारत नै अपने नागरिकें गी सख्त शब्दें च ईरान च रोजगार सरबन्धी प्रस्तावें उप्पर ठीक चाली दिक्ख-सुन करने ते सतर्क रौहने लेई आकखेया ऐ। इक ब्यानै च विदेश मंत्रालय नै आकखेया जे ईरान दी सरकार भारतीयें गी सिर्फ सैलसफा गितै गै वीजा मुक्त प्रवेश गी खुल्ल दिंदी ऐ। मंत्रालय नै आकखेया जे कोई बी एजेंट रोजगार जां होरनें कुसे मकसद कन्हें ईरान च भेजने दा वादा करदा ऐ ते ओ अपराधिक गिरोहें दी चाल होई सकदी ऐ।

<><><><><><>

Trump H-1B Visa

अमरीका दे राष्ट्रपति डोनाल्ड ट्रम्प होरें प्रोद्योगिकी उद्योग च विदेशी कम्पनारें दी तादाद घटाने दे मकसद कन्नै H-1B वीजा प्रोग्राम लेई आवेदन करने आलें गितै सालाना फीस इक लक्ख डालर करने सरबन्धी इक घोषणा पर दस्तख्त कीते न। हून दूए मुखें थमां कम्पनारें गी इस वीजा उप्पर अमरीका सददे आली कम्पनियें गी सालाना प्रति वीजा दे साहबै इक लक्ख डालर दी फीस देनी पौग। वाईट हाउस दे स्टाफ सचिव विल शकार्फ होरें आक्खेया जे इस घोषणा राए ए सुनिश्चित कीता जाग जे बाहरा सददे जाने आले कम्पनार सेई मायने च उच्च महारत आले लोक होन, जिनें गी अमरीकी कम्पनारें दी थाहर बदलेया नैई जाई सकदा।

<><><><><><>

India -UNGA

भारत नै संयुक्त राष्ट्र महासभा दे उस प्रस्ताव दे पक्खै च वोट पाया ऐ जेदे तैहत फिलिस्तीन दे राष्ट्रपति महमूद अब्बाज होरें गी वीडियो राएं महासभा दे इक उच्ची स्तरीय इजलास गी सम्बोधित करने दी खुल्ल दिती जाग। अमरीका आसेया फिलिस्तीन दे ऐहलकारें गी निजी तौरा पर महासभा दे इजलास च शामिल होने थमां रोकने लेई वीजा देने थमां इंकार करने मगरा ए प्रस्ताव जारी कीता ऐ। 193 मिम्बरी आली महासभा च 145 मुखें इस प्रस्ताव दे पक्खै जदकि 5 मुखें एदे खिलाफ च वोट पाया ते 6 मुख गैर मौजूद रेह।

<><><><><><>

Estonia -NATO

एस्टोनिया नै रुस दे लड़ाकू हवाई जहाजें आसेया ओदे हवाई क्षेत्र च दाखल होने मगरा नाटो दे आर्टिकल -4 तैहत सलाह-मश्वरें दी गुजारिश कीती ऐ। एस्टोनिया दे विदेश मंत्रालय नै आक्खेया जे मिग-31 लड़ाकू हवाई जहाज बिजन इजाजत दे उन्दे मुखें च दाखल होए ते उत्थे 12 मिनटें तोड़ी मौजूद रेह।

नाटो दे प्रवक्ता नै आक्खेया जे फौजी गठबंधन नै तुरंत प्रतिक्रिया करदे होई रुस दे लड़ाकू हवाई जहाजें गी रोकी दिता। उआं रुस नै एस्टोनिया दे हवाई क्षेत्र दी खिलाफवर्जी सवां इंकार किता ऐ।

<><><><><><>

India POC

दुबई च होए वैश्विक डॉक संघ UPU दे 28में सम्मेलन दौरान भारत गी डॉक सरबन्धी कारवाहक कौंसल ते कौंसल ऑफ एडमिनिस्ट्रेशन गितै इक बारी फही चुनी लैता गया ऐ। संचार मंत्रालय नै इक ब्यान च आक्खेया जे भारत गी दोबारा चुनेया जाना अंतराष्ट्रीय समुदाय दा भारतीय डॉक च नेतृत्व सुधारें ते नमीं डिजिटल पैहलकदमियें च भरोसे गी दर्शादा ऐ।

<><><><><><>

EC Vote

चुनाव आयोग नै परतियै स्पष्ट कीता ऐ जे कोई बी व्यक्ति ऑनलाईन ढंगे कन्नै कुसै दा वोट खारिज नैई करी सकदा। आयोग नै दस्सेया जे कर्नाटक दे आलंद विधानसभा हलके च कुसै बी मतदाताएं दे नां गी गलत ढंगे कन्नै डिलिट नैई कीता गेदा ऐ। आयोग नै दस्सेया जे 2023 च मतदाताएं दे नां कटाने दी संदिग्ध कोशिश कीती गी ही, जेहदे खिलाफ आयोग नै FIR दर्ज कराई दिती ही। मतदाता नियम पंजीकरण 1960 मूजब, मतदाता सूचि थमां कुसे बी नां गी प्रभावित व्यक्ति गी नोटिस जारी कीते बिजन खारिज नैई कीता जाई सकदा।

<><><><><><>

Cricket

मर्दे दी क्रिकेट च जंदी रातीं आबू धाबी च टी-20 एशिया कप दौरान ग्रुप-ए दे इक मैच च भारत नै औमान गी 21 रनजें कन्नै हराई दिता। अर्शदीप सिंह टी-20 अंतराष्ट्रीय मैचें च

100 विकेटां लैने आले भारत दे पैहले गेंदबाज बनी गे न। उनें 64 मैचें च ए उपलब्धी हासल कीती। इस जित्त कन्ने भारतीय टीम गुप गेड़ च पैहले नम्बरै पर रौहन्दे होई सुपर-4 गेड़ च पुज्जी गई ऐ। महिला क्रिकेट च भारतीय टीम दा इक दिनें आले अंतराष्ट्रीय मैचें दी श्रृंखला दे खीरी मैच च आस्ट्रेलिया कन्ने मुकाबला होग। एल्लै दौनो टीमां त्रुं मैचें दी श्रृंखला च इक-इक दी बराबरी पर चला रदियां न।

<><><><><><>